

41 Կ, յորոց 700 Ի են դրամատոմսակք և 611 Ի 41 Կ առձեռն պատրաստական, Ըստ այսմ՝ առ մէկն յունվարի 1875 ամի երկսեռ զպրոցք Ըստ-րախանայ ունին դրամատոմսակք ի շահարերութեան 3215 Ի և առձեռն պատրաստական գումար 664 Ի 4 ¹/₄ Կպկ. Ընդ ամենն երեք հազար ութ հարիւր եօթանասուն ինն բուրջի չորս և մի քառորդ Կպկ. արծ.

ՄՇԱԿ ԼՐԱԳՐԻ ՀԱՄԱՐ.

Վանի քանի տեղերէն՝ մանաւանդ Տփլիսէն՝ Մշակ լրագրոյ մի ժամանակէ հետէ հետեւած ընթացքը քննադատող, և Լջմիածնի նկատմամբ թշնամական (?) և իբր թէ զԱրարատ պախարակելոյ երազայուղութեամբք մոլեալ. հրատարակած ինչ ինչ պարբերութեանց և յօդուածոց ի պատասխանի՝ երկարաձիգ և ըստ մեծի մասին առանց չարագրիւ կրից՝ և օրինաւոր ապացուցութեամբք պարզեալ գրութիւններ կստանաւք՝ հրատարակելոյ թախանձանօք, որք՝ տարբեր տարբեր առիթներով՝ առարկայ եղած կէտերը ըստ արժանեցն դիտելով և քննելով՝ կգտափետեն, յորոց երկու ազգու գրութիւնք հետեւեալ իմաստից նման դիտողութեամբք կնքած են իւրեանց տողերը, թէ՛ մի անձն՝ որ մինչդեռ ինքն մշակուելոյ մեծապէս կկարօտի՝ ի՞նչպէս կարող է այլոց մշակ հանդիսանալ, թէ՛ այն որ շայկաբանութեան մէջ շատ համբով է՝ ինչպէս նա և ազգային կարեւոր դիտութեանց մէջ, ի՞նչպէս կարող է շայերէն օրինաւոր խմբագրութիւն կազմել, թէ՛ այն լրագրի խմբագրութիւն՝ որոյ հրատարակածները ըստ մեծի մասին ոչ շայկաբանութիւն ունին և ոչ պարզ իմաստը կը հասկա-

ցուին, ի՞նչպէս կարող է այլոց հրատարակածները հասկանալ և քննադատել՝ ինչպէս նաև փորձառու չլինելով՝ տպագրական վերպակները իմանալ, թէ՛ այն լրագրի՝ որ իբրև շայոց լրագիր և շայոց նկատմամբ ազգօգուտ մի որոշ ուղղութիւն և պրացումն չունի, և ոչ շայոց կարօտութիւնքը և պէտքերը գիտէ, և շատ պարագայից մէջ աւելի օտար կամ մասնաւոր շահուց պաշտպան է, ի՞նչպէս կարող է Ազգային միւս պարբերական թերթից դէմ խիզախել՝ գոզցես պատգամներ որոտալ՝ և այն շայերէն առնուն կրելով, և թէ՛ լաւ չլինի՞ր՝ որ անունը ևս փոխէ և պարզ գոյնը ցոյց տայ ելն, և ինչ՝ Մեք այս ամենը Մշակ Խմբագրութեան ուշադրութեան և կամաց յանձնելով, միանգամայն կը յայտարարեմք՝ զի արդէն Մշակ ընթացք բազմաց քաջածանօթ լինելով՝ նորա՝ ինչպէս նաև այլոց նմանօրինակ հրատարակութեանց աւելի կարեւորութիւն չեմք տար, և այս առիթով առ մեզ ուղղուած գրութեանց աշխատաւորներէն ևս ներողամտութիւն կկնդրեմք հրատարակութեան չյանձնելոյս համար, վասն զի Արարատ Ազգիս իրական կարօտութեան՝ և համեմատաբար՝ այժմեան ճաշակին օգտատու լինելոյ համար հընարաւոր և անհրաժեշտ նիւթերով բեռնաւորեալ է, և զբաղատակ և պախարակիչ գրութեանց կարօտութիւն և թերթ չունի՝ որ ատելի կրից թերադրութեանց արդիւնք եղած յարձակմունքները խնդրոց կարգը դասէ և թերթեր մրտաւել տայ:

— Օայս ևս դիտել պէտք է, զի ամեն հրատարակութիւն որքան ևս անպիտան

ևս դատարկարան լինի, դարձեալ իւր օգուտը և արդիւնքը ունի, զոնէ այսքանը ևս բաւական է իմանալոյ համար թէ՛ վատութիւնն եթէ չլինի՝ լաւութեան յարգը և արժէքը չիմացուիր: —

Երդ եթէ Մշակ ևս անսխալ Պապի ընթացք և համոզում բռնած չէ և եթէ խրատ լսելոյ կզիջանի, կառաջարկեմք նրմին՝ չարանախանձ և պախարակիչ յարձակմունքէն դադարիլ, իւր ընթացքը կշռել՝ ուղղել և Հայոց հարազատ օգտին նուիրական եղած շաւիղը պաշտպանել և ըստ այնմ իւր թերթը ի բարին արդիւնաւորել:

Իսկ եթէ իւրաքանչիւր ոչ զիւր մաս հասնելի պատասխանը կտայ և այնպէս կը յարատեւէ՝ կեզծ նամակներ ևս յերկրորդով ազան թէ անաղան՝ Ազգի ողջամիտ մասին դատաստանն կարեւոր վճիռը նմին կփոխուրինէ:

ՈՒՌԻՉԱՆԳԱԿԹ ԲԻՒՉԱՆԳԱՆՔ

ԳՈՐԾՈՒՆԵՌԻԹԻՒՆՔ
ՊՕԼՍՈՅ ԵՐԵՍԹ. ԺՈՂՈՎՈՅ.

Պօլոյ Հայոց Երեսի. Ազգային Ժողովոյ վերջին (Թ. և Ժ. ԲԳ) երկու նստի մէջ եղած գործունէութեանց արդեանց վերայ՝ հետեւեալ տեղեկութիւնքը թէ և անցեալ Ղեկեմեմբերի ամսագրոյս մէջ հրատարակելոյ համար շարուած պատրաստ էր, սակայն նիւթոց շատութենէն ստիպեալ յետաձգել պարտաւորուեցանք և ներկայիւս մեր ընթերցողաց հաղորդել արժան կտեսնեմք:

«Ըստ սովորութեան նոյնիք 22 Ապրիլ օրն Ազգային Ժողովն իւր Թ. Բ. Գ. Նիսան բրաւ Ղալա-

թիւ Ս. Լուսաւորիչ Եկեղեցին՝ նախագահութեամբ Բարձրաշնորհ Ս. Պատրիարք Հօր և Ատենապետութեամբ Նաչապետ Էֆէնտի Ռուսինեանի ի ներկայութեան 67 Երեսիօրսանաց:

Ժամ 17 1/4 ատեն թացուելով նախընթաց նիստի Պատենագրութիւնը առանց որ և է դիտողութեան ընդունուեցաւ:

Օրակարգին անցնելէն առաջ՝ Բարձրաշնորհ Նախագահ Սրբազան յայտնեց թէ՛ Ասեմ Արահամ Փաշա Երամեան և Ասեմ Սարգիս Պէյ Պալեան Ազգային պարտուց վճարման համար 3000* լիւա շնորհեցին Ազգին:

Ժողովն շնորհակալութեան քուէ տուաւ յիշեալ երկու բարձրաստիճան ազգային ազնիւ բարերարաց՝ պարտք դնելով Գիւսանին վերայ՝ որ այս շնորհակալութիւնը մի յատուկ ուղերձով հաղորդէ Ասեմ Արահամ Փաշայի և Ասեմ Սարգիս Պէյի յետոյ դարձեալ շնորհակալութեան քուէ տուաւ Բարձրաշնորհ Ս. Պատրիարք Հօր և Ասեմ Սիմօն Պէյի, որք իրենց պատկանելի միջնորդութեամբն այս շնորհը ձեռք բերելու պատճառ եղան և ազգին ուսէն պարտուց բնոր թեթեւեղին:

Յետոյ օրակարգին անցնելով՝ Քաղաքական Ժողովոյ հրաժարեալ վեց անդամոց տեղ նոր ընտրութեան ձեռնարկեց, և արդէն ընդունուած ցանկին մէջէն քուէից բացարձակ աւտուելութեամբ Քաղաքական Ժողովոյ անդամ ընտրուեցան հետեւեալ Մեծ. Անձինքը:

Արքանամ Էֆէնտի Հարենց	
Խաչիկ	» Ալիանապեան
Կարապետ	» Գ. Փափաղեան
Մկրտիչ	» Եսայեան

(*) Անցեալ (այս ինքն նայեմբերի) Թերթի մէջ սխալմամբ 4000 գրուած էր:

Ա. Ե. Հայրապետ ևս օրհնութեան և շնորհակալութեան կոնդակներ գրեց յիշեալ երկու բարերարաց: Այս առթիւ կոնդակներ գրեց նա և Ս. Պատրիարք Գեղ. Ներսէս Արքեպիսկոպոսին և Ասեմ Սիմօն Պէյ Մարտաշեանին:

Արժան կհամարեմք յաւելու և զայս, զի Արքանամ Փաշայն, յանցելու մի գերեզմանաւան խղրոյ առթիւ, 4500 լիւա և շնորհեց Ազգին: Ե. Ե. Արարատաց: